

Zavod zdravstvenog osiguranja i reosiguranja
Federacije Bosne i Hercegovine

Finansijski plan Zavoda zdravstvenog osiguranja i reosiguranja
Federacije Bosne i Hercegovine za 2023. godinu

Sarajevo, decembar 2022. godine

SADRŽAJ

1. OSNOVE ZA DONOŠENJE FINANSIJSKOG PLANA.....	1
2. Djelatnost Federalnog zavoda osiguranja i reosiguranja.....	1
3. Sadržaj finansijskog plana	2
4. Prihodi	2
4.1.Prihodi od doprinosa za obavezno zdravstveno osiguranje u FBiH	4
4.2.Prihodi od doprinosa od ino osiguranika (paušali).....	4
4.3.Prihodi od dodatnog doprinosa za detaširane radnike.....	4
4.4.Primljeni tekući transferi od ostalih nivoa vlasti-Budžet FBiH	5
4.5.Prihodi po osnovu učešća u međunarodnim projektima.....	5
4.6.Ostali prihodi.....	5
5. Rashodi	5
5.1.Plate naknade i troškovi zaposlenih	7
5.2.Doprinosi na teret poslodavca	8
5.3.Izdaci za materijal i usluge.....	8
5.3.1.Putni troškovi	8
5.3.2.Izdaci za energiju.....	8
5.3.3.Izdaci za komunikaciju i komunalne usluge.....	8
5.3.4.Nabavka materijala i sitnog inventara	9
5.3.5.Izdaci za usluge prijevoza, registraciju vozila i nabavku goriva	9
5.3.6.Naknade za iznajmljivanje	9
5.3.7.Izdaci za tekuće održavanje.....	9
5.3.8.Izdaci osiguranja, bankarskih usluga i usluga platnog prometa	9
5.3.9.Ugovorene i druge posebne usluge.....	10
6. KAPITALNI IZDACI.....	10
7. PRILOG.....	10

1. OSNOVE ZA DONOŠENJE FINANSIJSKOG PLANA

U skladu sa odredbama člana 27. Zakona o budžetima u Federaciji Bosne i Hercegovine („Službene novine FBiH“, broj 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25a/22) i odredbama člana 104 Zakona o zdravstvenom osiguranju („Službene novine Federacije Bosne i Hercegovine“, broj 30/97, 07/02, 70/08, 48/11, 36/18 i 61/22) Zavod zdravstvenog osiguranja i reosiguranja Federacije Bosne i Hercegovine (u daljem tekstu: Federalni zavod osiguranja i reosiguranja) je utvrdio Prijedlog finansijskog plana Federalnog zavoda osiguranja i reosiguranja za 2023. godinu (u daljem tekstu: Finansijski plan Federalnog zavoda osiguranja i reosiguranja).

Finansijski plan Federalnog zavoda osiguranja i reosiguranja za 2023. godinu je utvrđen na osnovu:

- Smjernica za izradu zahtjeva budžetskih korisnika Budžeta Vlade Federacije Bosne i Hercegovine za period 2023-2025. godina,
- Dokumenta okvirnog budžeta Zavoda zdravstvenog osiguranja i reosiguranja Federacije Bosne i Hercegovine za period 2023.-2025. godina,
- Budžetskih instrukcija broj 2. za 2023. godinu,
- Budžetskog zahtjeva za finansiranje federalnog fonda solidarnosti za 2023. godinu sa projekcijom za period 2024-2025. godina,
- Revidirana projekcija prihoda od doprinosa za 2022. godinu i projekcija za period 2023-2025. godine od strane FMZ-a.
- Normativnih akata Federalnog zavoda osiguranja i reosiguranja.

2. Djelatnost Federalnog zavoda osiguranja i reosiguranja

Federalni zavod osiguranja i reosiguranja, u skladu sa odredbama Zakona o zdravstvenom osiguranju i drugim podzakonskim aktima obavlja slijedeće poslove:

- praćenja politike sprovođenja i unapređivanja obaveznog zdravstvenog osiguranja i koordiniranje rada kantonalnih zavoda osiguranja u tom domenu,
- obezbijediti ostvarivanje prava osiguranika za zdravstvene usluge i lijekove iz programa federalnog fonda solidarnosti,
- učešće u izradi podzakonskih akata u vezi sa ostvarivanjem prava iz obaveznog zdravstvenog osiguranja,
- poslova provođenja zdravstvene zaštite po osnovu međunarodnih konvencija i sporazuma o zdravstvenom osiguranju, i zdravstvene zaštite po osnovu detašmana;
- planiranja i prikupljanja sredstava federalnog fonda solidarnosti za realizaciju zdravstvenih usluga iz programa federalne solidarnosti, saglasno Odluci o utvrđivanju Osnovnog paketa zdravstvenih prava („Službene novine Federacije Bosne i Hercegovine“, broj 21/09),
- provođenja postupka nabavki za potrebe provođenja programa federalnog fonda solidarnosti i rada Stručne službe u skladu sa zakonskim propisima,
- pripremanja osnova za utvrđivanje cijena i cjenovnika zdravstvenih usluga iz obaveznog zdravstvenog osiguranja,
- izrade obračuna ukupnih sredstava ostvarenih i utrošenih u zdravstvu Federacije Bosne i Hercegovine,
- učešće u projektima sistemskih reformi u oblasti zdravstva.

3. Sadržaj finansijskog plana

Finansijskim planom Federalnog zavoda osiguranja i reosiguranja za 2023. godinu se planiraju prihodi po izvorima sredstava i rashodi po namjenama prema ekonomskoj klasifikaciji, te kapitalni izdaci.

Uz Finansijski plan Federalnog zavoda osiguranja i reosiguranja posebno je urađen Finansijski plan rashoda federalnog fonda solidarnosti za 2023. godinu (Anex I) koji čini sastavni dio ovog Finansijskog plana.

4. Prihodi

Ukupno planirani prihodi Federalnog zavoda osiguranja i reosiguranja u 2023. godini iznose 244.880.000 KM i sastoje se od:

- doprinosa za obavezno zdravstveno osiguranje u Federaciji BiH, u iznosu od 194.000.000 KM,
- paušalnih naknada po osnovu osiguranja ino osiguranika, u iznosu od 4.000.000 KM,
- dodatnog doprinosa za zdravstvenu zaštitu detaširanih radnika u iznosu od 95.000 KM,
- transferi iz Budžeta Federacije BiH u iznosu od 45.650.000 KM, od čega 33.500.000 KM za programe federalnog fonda solidarnosti, 2.000.000 KM za finansiranje liječenja povratnika iz Federacije BiH u R. Srpsku, 10.000.000 KM za finansiranje programa biomedicinski potpomognute vještačke oplodnje i 150.000 KM za prevenciju i rano otkrivanje HIV pozitivnih osoba (nabavka lijekova PREP i PEP).
- prihoda po osnovu učešća u međunarodnim projektima u iznosu od 130.000 KM,
- ostalih prihoda u iznosu od 150.000 KM

Po odbitku obavezne rezerve za zaštitu detaširanih radnika u inostranstvu u iznosu od 95.000 KM, ukupno raspoloživi planirani prihodi u 2023. godini iznose 244.785.000 KM

Plan prihoda za 2023. godinu po izvorima sredstava utvrđen je u skladu sa ekonomskom klasifikacijom propisanom od strane Federalnog ministarstva finansija i prikazan je u Tabeli 1. koja slijedi.

Tabela 1

Konto	Stavka	Plan 2022	Izvršenje I-IX 2022.	Plan 2023.	Index (5/3)
1	2	3	4	5	6
712	Doprinos za socijalnu zaštitu	170.850.000	130.320.466	198.950.000	116
	Prihodi od doprinosa	170.850.000	130.320.466	198.950.000	116
	Prihodi od doprinosa za obavezno zdravstveno osiguranje u FBiH	166.300.000	128.198.333	194.000.000	117
	Prihodi od doprinosa od ino osiguranika (paušali)	3.600.000	1.526.055	4.000.000	111
	Prihodi od dodatnog doprinosa za detaširane radnike	950.000	596.078	950.000	100
721	Prihodi od poduzetničkih aktivnosti, imovine i pozitivnih kursnih razlika	200.000	534.875	100.000	50
722	Naknade i pristojbe i prihodi od pružanja javnih usluga (naplaćene garancije, ref.bolovanja i ostali nepl.prihodi)	60.000	69.125	50.000	83
731	Primljeni tekući transferi od međunarodnih organizacija	90.000	13.039	130.000	144
732	Primljeni tekući transferi od ostalih nivoa vlasti-Budžet FBiH	30.500.000	20.333.333	45.650.000	150
	Tekući transfer za fond solidarnosti	28.500.000	19.000.000	33.500.000	118
	Tekući transfer za liječenje povratnika u RS	2.000.000	1.333.333	2.000.000	100
	Transfer za liječenje biomedicinski potpomognute oplodnje			10.000.000	
	Transfer za prevenciju i rano otkrivanje HIV pozitivnih osoba (nabavka lijekova PREP I PEP)			150.000	
733	Donacije		392		
	Ukupno prihodi	201.700.000	151.271.230	244.880.000	121
	Obavezne rezerve za zdravstvenu zaštitu detaširanih radnika	95.000	59.608	95.000	100
	Ukupno raspoloživi prihodi	201.605.000	151.211.622	244.785.000	121
	Neutrošeni višak prihoda nad rashodima ranijeg perioda za finansiranje usluga i lijekova po Odluci Upravnog odbora	8.500.000			
	UKUPNO RASPOLOŽIVA SREDSTVA	210.105.000	151.211.622	244.785.000	117

4.1. Prihodi od doprinosa za obavezno zdravstveno osiguranje u FBiH

Prihodi od doprinosa za obavezno zdravstveno osiguranje u Federaciji BiH u 2023. godini planirani su po stopi od 10,2% od ukupnih prihoda iz obaveznog zdravstvenog osiguranja, a na ime finansiranja federalnog fonda solidarnosti u skladu sa Zakonom o zdravstvenom osiguranju.

S obzirom da visinu stope doprinosa za federalni fond solidarnosti utvrđuje Vlada Federacije BiH za svaku godinu, a da za 2023. godinu Odluka o izdvajanju sredstava u fond solidarnosti Federacije Bosne i Hercegovine nije izmjenjena do izrade ovog Finansijskog plana, procjena prihoda za 2023. godinu je urađena po stopi od 10,2% koja je utvrđena za 2022. godinu.

Prihodi od doprinosa iz obaveznog zdravstvenog osiguranja u FBiH u periodu 2018-2022. godine su imali prosječnu stopu rasta od 4,52% godišnje. U 2021. godini u odnosu na 2020. godinu prihodi su bili veći za 7%, dok su u 2022. godini u odnosu na 2021. godinu prihodi od doprinosa porasli za 10%.

Uzimajući u obzir navedeno, kao i procjene prihoda od doprinosa od strane Federalnog ministarstva zdravstva, planirano je da će u 2023. godini prihodi od doprinosa za obavezno zdravstveno osiguranje iznositi 194 mil. KM uz pretpostavku da ne dođe do smanjenje stope doprinosa na zdravstveno osiguranje.

4.2. Prihodi od doprinosa od ino osiguranika (paušali)

Prihodi od paušalnih naknada ino osiguranika u 2023. godini planiraju se u ukupnom iznosu od 4.000.000 KM.

4.3. Prihodi od dodatnog doprinosa za detaširane radnike

Prihodi od dodatnog doprinosa za detaširane radnike u 2023. godini planiraju se u iznosu od 950.000 KM.

U skladu sa Odlukom o utvrđivanju doprinosa za zdravstveno osiguranje zaposlenika na radu u inostranstvu planirani prihodi od doprinosa će se koristiti za pokriće troškova za zdravstvenu zaštitu detaširanih radnika u inostranstvu, za pokriće dijela materijalnih troškova Stručne službe u funkciji izvršavanja poslova vezanih za zdravstveno osiguranje i zdravstvenu zaštitu detaširanih radnika (3% od iznosa naplaćenih sredstava ovog doprinosa) i na ime obaveznih rezervi za pokriće troškova zdravstvene zaštite detaširanih radnika u slučajevima kada se sa zakašnjenjem ispostavljaju fakture po osnovu izvršenih usluga zdravstvene zaštite detaširanim radnicima (10% od iznosa naplaćenih sredstava ovog doprinosa).

Saglasno navedenom, za 2023. godinu prihodi dodatnog doprinosa za detaširane radnike se raspoređuju:

- za zdravstvenu zaštitu detaširanih radnika u iznosu od 826.500 KM,
- za pokriće dijela materijalnih troškova Stručne službe u iznosu od 28.500 KM,
i
- za obavezne rezerve detašmana u iznosu od 95.000 KM.

Od naplaćenih sredstava po osnovu doprinosa za zdravstvenu zaštitu detaširanih radnika, a po izdvajanju za gore navedene namjene eventualno preostala naplaćena sredstva će se vratiti poslodavcima ili će se evidentirati kao akontacija za obaveze poslodavaca za naredni period, saglasno tački XI Odluke o utvrđivanju doprinosa za zdravstveno osiguranje zaposlenika na radu u inostranstvu.

4.4.Primljeni tekući transferi od ostalih nivoa vlasti-Budžet FBiH

Iz Budžeta Federacije BiH planiraju se sredstva u ukupnom iznosu od 45.650.000 KM, od čega:

- za programe federalnog fonda solidarnosti u iznosu od 33.500.000 KM,
- namjenskih sredstva za liječenje povratnika u R. Srpsku u iznosu od 2.000.000 KM,
- namjenska sredstva za biomedicinski potpomognutu oplodnju u iznosu od 10.000.000 KM
- namjenska sredstva za prevenciju i rano otkrivanje HIV pozitivnih osoba kroz nabavku lijekova PREP i PEP.

U 2023. godini u odnosu na 2022. godinu iz Budžeta FBiH za finansiranje programa federalnog fonda solidarnosti planirano je povećanje sredstava u iznosu od 5.000.000 KM.

Zakonom o izmjenama i dopunama zakona o liječenju neplodnosti biomedicinski potpomognute oplodnje (Sl. novine Federacije BiH, br. 44/22) propisano je da se biomedicinski potpomognuta oplodnja finansira iz sredstava Budžeta FBiH putem Transfera Vlade Federacije BiH za finansiranje biomedicinski potpomognute oplodnje koji će se doznačiti Zavodu zdravstvenog osiguranja i reosiguranja. U skladu sa navedenim planirana su sredstva u iznosu od 10.000.000 KM.

4.5.Prihodi po osnovu učešća u međunarodnim projektima

Prihodi od tekućih transfera po osnovu međunarodnih projekata u 2023. godini planirani su u iznosu od 130.000 KM, a na osnovu potpisanog ugovora o dodjeli sredstava za projekat br.ADRION 1228. Zavod zdravstvenog osiguranja i reosiguranja FBiH učestvuje kao projektni partner iz BiH u projektima iz trećeg poziva (3CfP) u okviru programa ADRION 2014-2020. Sporazum o partnerstvu potpisan je u svrhu implementacije projekta ADRION 1228- SI4CARE, kojeg finansira Program Interreg Adrion. Sredstva će se koristiti u svrhu implementacije projekta, odnosno za namjene predviđene sporazumom o partnerstvu.

4.6.Ostali prihodi

Ostali prihodi u 2023. godini se planiraju u ukupnom iznosu od 150.000 KM i odnose se na finansijske rabate dobavljača isporučilaca lijekova, naplate penala po osnovu neizvršavanja ugovornih odredbi dobavljača i ostali neplanirani prihodi.

5. Rashodi

Ukupno planirani rashodi, kapitalni izdaci i tekuća rezerva Federalnog zavoda osiguranja i reosiguranja u 2023. godinu iznose 244.785.000 KM.

Planirani rashodi Federalnog zavoda zdravstvenog osiguranja i reosiguranja su prikazani u skladu sa ekonomskom klasifikacijom propisanom od strane Federalnog ministarstva finansija, a prema funkcijama rashodi se odnose na:

- Rashode federalnog fonda solidarnosti (zdravstvene usluge u Federaciji BiH, lijekovi i potrošni medicinski materijal - potrošni materijal za dijalizu, inzulinske pumpice trakice i aparati za mjerenje šećera kod djece),
- Rashodi Stručne službe Zavoda,
- Rashodi za liječenje u inostranstvu (liječenje u inostranstvu u skladu sa Pravilnikom i zdravstvena zaštita detaširanih radnika),
- Kapitalni izdaci i
- Tekuća rezerva.

Plan rashoda prema ekonomskoj klasifikaciji prikazan je u Tabeli 2 kako slijedi

Tabela 2

Konto	Stavka	Plan 2022.	Izvršenje I-IX 2022.	Plan 2023.	Index 5/3
1	2	3	4	5	6
	Plate naknade i troškovi zaposlenih	2.603.000	1.678.362	2.822.200	108
6111	Bruto plaće i naknade plate	2.300.000	1.509.540	2.450.000	107
6112	Naknade troškova zaposlenih	303.000	168.822	372.200	123
612	Doprinosi poslodavca i ostali doprinosi	253.000	158.751	255.000	101
	Izdaci za materijal i usluge	204.149.000	163.570.528	237.507.800	116
6131	Putni troškovi	53.000	27.265	45.000	85
6132	Izdaci za energiju	60.000	32.787	70.000	117
6133	Izdaci za komunikaciju i komunalne usluge	80.000	52.263	80.000	100
6134	Nabavka materijala i sitnog inventara	117.913.350	98.299.221	128.668.300	109
	Administrativni materijal	83.350	42.404	95.000	114
	Medicinski potrošni materijal	18.300.000	13.007.488	17.800.000	97
	Lijekovi	99.530.000	85.249.329	110.623.300	111
	Prevenција i rano otkrivanje HIV pozitivnih osoba (nabavka lijekova PREP i PEP)	0	0	150.000	
6135	Izdaci za usluge prijevoza i gorivo	18.000	6.919	18.000	100
6136	Naknade za iznajmljivanje	0	2.145	10.000	
6137	Izdaci za tekuće održavanje	70.000	31.665	160.000	229
6138	Izdaci osiguranja, bankarskih usluga i usluga platnog prometa	209.000	141.880	31.000	15
6139	Ugovorene i druge posebne usluge	85.745.650	64.976.383	108.425.500	126
	Zdravstvene usluge u Federaciji BiH	69.520.000	51.813.107	82.135.000	118
	Zdravstvene usluge liječenja povratnika	2.000.000	1.771.740	2.000.000	100
	Biomedicinski potpomognuta oplodnja	0	0	10.000.000	

	Zdravstvene usluge liječenja u inostranstvu	12.000.000	10.524.676	12.000.000	100
	Zdravstvene usluge liječenja detaširanih radnika	826.500	398.784	826.500	100
	Sufinansiranje troškova u skladu sa Pravilnikom o načinu ostvarivanja prava iz obaveznog zdravstvenog osiguranja	500.000	158.287	500.000	100
	Preventivni programi	300.000	0	300.000	100
	Ostale usluge za stručnu službu i fond solidarnosti	599.150	309.789	664.000	111
	UKUPNO TEKUĆI RASHODI	207.005.000	165.407.642	240.585.000	116
	Kapitalni izdaci	100.000	59.173	200.000	200
	UKUPNO TEKUĆI RASHODI I KAPITALNI IZDACI	207.105.000	165.466.815	240.785.000	116
	Tekuća rezerva	3.000.000	0	4.000.000	133
	UKUPNO TEKUĆI RASHODI, KAPITALNI IZDACI I TEKUĆA REZERVA	210.105.000	165.466.815	244.785.000	117

5.1. Plate naknade i troškovi zaposlenih

Izdaci za zaposlene evidentirani u okviru grupe konta 611 obuhvataju troškove bruto plata, naknada plata i naknada troškova zaposlenih u Stručnoj službi Federalnog zavoda osiguranja i reosiguranja. U 2023. godini planiraju se u iznosu od 2.822.200 KM i to:

- Izdaci za bruto plate i naknade plata 2.450.000 KM i
- Naknade troškova zaposlenih 372.200 KM.

Planirano je povećanje izdataka za bruto plate u 2023. godini u odnosu na 2022. godinu, najvećim dijelom zbog planirane popune sistematizacije radnih mjesta i prijema novih uposlenika, kao i dijelom zbog usklađivanja sa Kolektivnim ugovorom o pravima i obavezama poslodavaca i radnika u oblasti zdravstva.

Popuna sistematizacije radnih mjesta neophodna je zbog povećanog obima posla, a što je uzrokovano povećanjem obima posla uslijed povećanja broja pacijenata za koje se propisuju terapije lijekovima, kao i usluga koje se realizuju putem fonda solidarnosti.

Također od 2023 godine se planira uvođenje novog programa „biomedicinski potpomognuta oplodnja“ saglasno Zakonom o izmjenama i dopunama zakona o liječenju neplodnosti biomedicinski potpomognute oplodnje (Sl. Novine Federacije BiH, br. 44/22).

Prema odredbama ovog zakona ovaj će se program realizirati preko Federalnog zavoda zdravstvenog osiguranja a finansirati namjenskim sredstvima iz Budžeta FBiH.

Shodno navedenom Federalni zavod će preuzeti poslove vezane za organizaciju i provođenje ovog programa od kantonalnih zavoda što će značajno povećati obim posla te će iziskivati upošljavanje novih radnika. Procjena je da će na godišnjem

nivou biti od 700 do 1.000 pacijenata za koje će biti potrebno uspostaviti evidencije i vršiti administriranje s obzirom da usluge iz ovog programa nisu jednokratnog karaktera i podrazumjevaju praćenje pacijenta kroz duži vremenski period.

Povećanje naknada troškova zaposlenih najvećim dijelom je rezultat planiranih otpremnina za tri uposlenika koji u 2023. godini stižu zakonsko pravo za prestanak radnog odnosa po osnovu penzionisanja. Naknade troškova zaposlenih pored otpremnina obuhvataju naknade troškova prevoza na posao i sa posla, naknade za topli obrok uposlenika, naknade za regres za godišnji odmor, pomoći u slučaju smrti i teže invalidnosti, naknade za odvojeni život, naknade za troškove smještaja zaposlenim i ostale naknade.

5.2. Doprinosi na teret poslodavca

U 2023. godini doprinosi na teret poslodavaca planiraju se u iznosu od 255.000 KM. Visina doprinosa planirana je u skladu sa planiranim rashodima bruto plata.

5.3. Izdaci za materijal i usluge

Izdaci za materijal i usluge obuhvataju izdatke za: putne troškove, komunikaciju i komunalne usluge, za energiju, nabavku materijala i sitnog inventara, usluge prevoza i nabavku goriva, usluge iznajmljivanja, tekuće održavanje, osiguranje zaposlenih, vozila i bankarske usluge i ugovorene i druge usluge.

Izdaci za materijal i usluge u 2023. godini planiraju se u ukupnom iznosu od 237.507.800 KM i obuhvataju troškove kako slijedi.

5.3.1. Putni troškovi

Izdaci za putne troškove za 2023. godinu planirani su u ukupnom iznosu od 45.000 KM. Iznos od 40.000 KM će se finansirati iz sredstava Federalnog zavoda osiguranja i reosiguranja dok će se ostatak u iznosu od 5.000 KM finansirati iz namjenskih sredstava po osnovu učešća u međunarodnom projektu ADRION 1228- SI4CARE. Ovi izdaci su utvrđeni na osnovu planiranih aktivnosti zaposlenih u Stručnoj Službi Zavoda za koje su predviđena službena putovanja i obuhvataju: troškove dnevnica, prevoza i smještaja na službenim putovanjima. Iznos naknada za dnevnice je usklađen sa Uredbom o naknadama troškova za službena putovanja ("Sl. novine Federacije BiH", br.44/16 i 50/16).

5.3.2. Izdaci za energiju

Izdaci za energiju u 2023. godini planirani su u iznosu od 70.000 KM. Povećanje ovih izdataka je izvršeno na osnovu očekivanog porasta troškova energije u 2023. godini. Izdaci za energiju obuhvataju izdatke za električnu energiju i grijanje poslovnih prostorija Zavoda.

5.3.3. Izdaci za komunikaciju i komunalne usluge

Za komunikaciju i komunalne usluge u 2023. godini planirani su ukupni izdaci u iznosu od 80.000 KM i odnose se na PTT usluge, vodu i kanalizaciju i održavanje čistoće i odvoz smeća.

5.3.4. Nabavka materijala i sitnog inventara

Izdaci za nabavku materijala obuhvataju izdatke za nabavku:

- administrativnog materijala i sitnog inventara,
- medicinskog potrošnog materijala,
- lijekova i
- lijekova za prevenciju i rano otkrivanje HIV pozitivnih osoba (PREP i PEP).

Izdaci za nabavku administrativnog materijala i sitnog inventara odnose se na troškove kancelarijskog materijala, sitnog inventara, materijala za čišćenje, troškove stručnog obrazovanja kadrova, materijala za čišćenje itd. U 2023. godini ovi izdaci planirani su u iznosu od 95.000 KM.

Izdaci za nabavku medicinskog potrošnog materijala planirani su u ukupnom iznosu od 17.800.000. KM i obuhvataju nabavku:

- potrošnog materijala za hemodijalizu u iznosu od 17.000.000 KM,
- inzulinskih pumpica, aparata i trakice za kontrolu šećera u krvi kod djece, u iznosu od 800.000 KM.

Nabavku lijekova se odnosi na sve lijekove koji se finansiraju sredstvima fonda solidarnosti u skladu sa važećom Listom lijekova fonda solidarnosti. Za ovu namjenu u 2023. godini planirana su sredstva u iznosu od 110.623.300 KM.

Detaljnija obrazloženja za medicinski potrošni material i lijekove data su u Finansijskom planu federalnog fonda solidarnosti (Anex I) koji je sastavni dio Finansijskog plana.

5.3.5. Izdaci za usluge prijevoza, registraciju vozila i nabavku goriva

Izdaci za usluge prijevoza, registraciju vozila i nabavku goriva za službena vozila Zavoda u 2023. godini planiraju se u iznosu od 18.000 KM.

5.3.6. Naknade za iznajmljivanje

Naknade za iznajmljivanje se odnose na iznajmljivanje informatičke opreme (kopir aparati) i u 2023. godini za ovu namjenu planirana su sredstva u iznosu od 10.000 KM.

5.3.7. Izdaci za tekuće održavanje

Izdaci za tekuće održavanje obuhvataju material i usluge za tekuće održavanje poslovne zgrade opreme i službenih vozila Federalnog zavoda osiguranja i reosiguranja. U 2023. godini ovi izdaci se planiraju u iznosu od 160.000 KM. Povećanje sredstava za tekuće održavanje u 2023. godini u odnosu na 2022. godinu izvršeno je najvećim dijelom zbog planirane izmjene elektro i mrežnih instalacija u poslovnoj zgradi Zavoda.

5.3.8. Izdaci osiguranja, bankarskih usluga i usluga platnog prometa

Izdaci osiguranja, bankarskih usluga i usluga platnog prometa u 2023. godini planiraju se u ukupnom iznosu od 31.000 KM, a odnose se na troškove osiguranja zaposlenih od nesreća, osiguranja službenih vozila, te troškove bankarskih usluga.

5.3.9. Ugovorene i druge posebne usluge

Za ugovorene i druge posebne usluge u 2023. godini planirani su rashodi u ukupnom iznosu od 108.425.500 KM, i obuhvataju troškove:

- zdravstvenih usluga u zdravstvenim ustanovama u Federaciji BiH 82.135.000 KM,
- liječenja povratnika u R Srpsku 2.000.000 KM,
- biomedicinski potpomognute oplodnje 10.000.000 KM
- zdravstvenih usluga u zdravstvenim ustanovama u inostranstvu 12.000.000 KM,
- zdravstvene zaštite detaširanih radnika 826.500 KM,
- refundacije troškova liječenja u skladu sa Pravilnikom o načinu ostvarivanja prava iz obaveznog zdravstvenog osiguranja 500.000 KM,
- preventivne programe 300.000 KM,
- troškove usluga vezanih za funkcionisanje fonda solidarnosti i Stručne službe 664.000 KM,

Rashodi za zdravstvene usluge koje se finansiraju sredstvima federalnog fonda solidarnosti detaljno su obrazloženi u Finansijskom planu federalnog fonda solidarnosti (Anex I).

6. KAPITALNI IZDACI

Kapitalni izdaci u 2023. godini planiraju se u ukupnom iznosu od 200.000 KM i to za:

- nabavku informatičke opreme 106.000 KM,
- nabavka softvera 76.000 KM,
- kancelarijski namještaj 7.200 KM i
- adaptacija kancelarija 10.800 KM

Sredstva za realizaciju kapitalnih izdataka u iznosu od 180.000 KM će se obezbijediti iz tekućeg prihoda Federalnog zavoda osiguranja i reosiguranja, dok će se iznos od 20.000 KM obezbijediti iz sredstava međunarodnog projekta.

7. PRILOG

Finansijski plan federalnog fonda solidarnosti za 2023. godinu - Anex I

Finansijski plan Zavoda zdravstvenog osiguranja i reosiguranja Federacije BiH za 2023. godinu će se primjenjivati po dobivanju saglasnosti od Parlamenta Federacije BiH, saglasno čl. 27 Zakona o budžetima u Federaciji BiH.

**Zavod zdravstvenog osiguranja i reosiguranja
Federacije Bosne i Hercegovine**

Anex I

**Finansijski Plan rashoda fonda solidarnosti
Federacije Bosne i Hercegovine za 2023. godinu**

Sarajevo, decembar 2022. godine

Sadržaj

UVOD	1
1. FINANSIJSKI PLAN RASHODA FEDERALNOG FONDA SOLIDARNOSTI U 2023. GODINI	1
1.1. Rashodi.....	1
2. ZDRAVSTVENE USLUGE.....	5
2.1. Usluge hronične i akutne hemodijalize	5
2.2. Prijevoz na hemodijalizu	5
2.3. Usluge radioterapije kod malignih oboljenja.....	5
2.4. Usluge dijagnostičkih pretraga na hepatitisa C i težih oblika hepatitisa B6	
2.5. Usluge ugradnje kohlearnog implantata kod djece	6
2.6. Usluge dobrovoljnog i anonimnog savjetovanja i testiranja na HIV/AIDS 6	
2.7. Usluge novorođenačkog skrininga na kongenitalni hipotireoidizam, fenilketonuriju i adrenalnu hiperplaziju	7
2.8. Usluge iz oblasti kardiologije i kardiohirurgije.....	7
2.9. Usluge iz oblasti neurohirurgije.....	8
2.10. Usluge iz oblasti ortopedije i traumatologije	8
2.11. Usluge iz oblasti torakohirurgije.....	9
2.12. Usluge iz oblasti transplantologije	9
2.13. Usluge iz oblasti nuklearne medicine	10
2.14. Usluge PET/CT	10
2.15. Usluge iz oblasti vaskularne hirurgije i invazivno-interventnih procedura na krvnim sudovima	10
2.16. Usluge iz oblasti urologije.....	10
2.17. Terapija hiperbaričnom komorom	11
3. LIJEKOVI I POTROŠNI MEDICINSKI MATERIJAL.....	11
3.1. Citostatici.....	11
3.2. Lijekovi za dijalizu.....	12
3.3. Potrošni materijal za dijalizu	12
3.4. Lijekovi za liječenje oboljelih od hemofilije	12
3.5. Humani imunoglobulini	12
3.6. Lijekovi za liječenje oboljelih od Hepatitisa C i B.....	12
3.7. Lijekovi za liječenje multiple skleroze.....	12
3.8. Lijekovi za liječenje upalnih bolesti debelog crijeva (Chronove bolesti i ulceroznog kolitisa)	13
3.9. Lijekovi za liječenje plućne hipertenzije kod djece	13
3.10. Lijekovi za liječenje tuberkuloze.....	13
3.11. Antriretrovirusni lijekovi.....	13
3.12. Lijekovi za profilaksu respiratornog sincijalnog virusa (RSV).....	13
3.13. Aparati, pumpice i trakice za kontrolu šećera u krvi.....	14
3.14. Imunosupresivni lijekovi	14
4. RASHODI NA TERET NAMJENSKIH TRANSFERA IZ BUDŽETA FBIH.....	14

4.1. Bolničko liječenje povratnika iz FBiH u općine u RS.....	14
4.2. Biomedicinski potpomognuta oplodnja.....	14
4.3. Prevencija i rano otkrivanje HIV pozitivnih.....	15
5. LIJEČENJE U INOSTRANSTVU.....	15
6. PREVENTIVNI PROGRAMI.....	16
7. OSTALI RASHODI U FUNKCIJI PROVOĐENJA PROGRAMA SOLIDARNOSTI	16
8. SUFINANSIRANJE TROŠKOVA PRUŽENIH ZDRAVSTVENIH USLUGA, NABAVKE LIJEKOVA I MEDICINSKIH SREDSTAVA.....	16
9. TEKUĆA REZERVA	16

UVOD

Zavod zdravstvenog osiguranja i reosiguranja Federacije Bosne i Hercegovine (u daljem tekstu: Federalni zavod osiguranja i reosiguranja) je saglasno odredbama člana 27. Zakona o budžetima u Federaciji Bosne i Hercegovine („Službene novine FBiH“, broj 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22) i odredbama člana 104. Zakona o zdravstvenom osiguranju, izradio Prijedlog finansijskog plana rashoda fonda solidarnosti Federacije Bosne i Hercegovine za 2023. godinu (u daljem tekstu: Finansijski plan federalnog fonda solidarnosti).

Finansijski plan federalnog fonda solidarnosti za 2023. godinu utvrđen je na osnovu:

- Odluke o utvrđivanju prioritetnih vertikalnih programa zdravstvene zaštite od interesa za Federaciju Bosne i Hercegovine i prioritetnih najsloženijih oblika zdravstvene zaštite iz određenih specijalističkih djelatnosti koji će se pružati osiguranim licima na teritoriji Federacije Bosne i Hercegovine ("Službene novine Federacije BiH" broj: 08/05, 11/07, 44/07, 97a/07, 33/08 i 52/08), u daljem tekstu: Odluka o prioritetnim programima,
- Odluke o utvrđivanju Osnovnog paketa zdravstvenih prava („Službene novine Federacije BiH" broj 21/09);
- Odluke o kriterijima i načinu korištenja sredstava fonda solidarnosti Federacije Bosne i Hercegovine ("Službene novine Federacije BiH" br.22/02 i 11/05);
- Pravilnika o uvjetima i postupku upućivanja osiguranih lica na liječenje u inostranstvo („Službene novine Federacije BiH“, 93/13, 102/15, 16/19 i 22/19);

1. FINANSIJSKI PLAN RASHODA FEDERALNOG FONDA SOLIDARNOSTI U 2023. GODINI

1.1. Rashodi

Rashodi federalnog fonda solidarnosti planiraju se po programima, odnosno po vrsti zdravstvenih usluga, vrsti lijekova prema vrsti oboljenja i potrošnog medicinskog materijala koji se finansiraju sredstvima federalnog fonda solidarnosti.

Programom zdravstvene zaštite koji se finansira sredstvima federalnog fonda solidarnosti za 2023. godinu definirani su programi koji obuhvataju:

1. Zdravstvene usluge koje će se pružati osiguranim licima iz Federacije BiH u zdravstvenim ustanovama u Federaciji BiH;
2. Lijekove i potrošni medicinski materijal utvrđen Listom lijekova federalnog fonda solidarnosti i medicinska sredstva koji se koriste u pružanju zdravstvenih usluga;
3. Rashodi na teret namjenskih sredstava iz Budžeta Federacije BiH
 - usluge i lijekovi iz programa federalnog fonda solidarnosti,
 - Bolničko liječenje povratnika iz Federacije BiH u općine u RS;
 - Biomedicinski potpomognuta oplodnja (BMPO);
 - Prevenција i rano otkrivanje HIV pozitivnih osoba (PREP i PEP)

4. Oboljenja i stanja koja će se liječiti u zdravstvenim ustanovama u inostranstvu u skladu sa Pravilnikom o uslovima i postupku liječenja osiguranih lica u inostranstvu;
5. Zdravstvena zaštita detaširanih radnika u inostranstvu;
6. Preventivni programi.

Pored navedenih programa u 2023. godini planirani su:

- Troškovi usluga u funkciji provođenja programa federalnog fonda solidarnosti i odnose se na troškove stručnih komisija za izdavanje saglasnosti za liječenje na teret sredstava fonda solidarnosti, troškovi objave tendera za nabavku lijekova i 60% troškova bankarske provizije, saglasno Odluci o kriterijima i načinu korištenja sredstava federalnog fonda solidarnosti Federacije BiH („Sl. novine Federacije BiH“, br. 22/02 i 11/05).
- Rashodi po osnovu sufinansiranja troškova pruženih zdravstvenih usluga, nabavke lijekova i medicinskih sredstava u skladu sa Pravilnikom o ostvarivanju prava iz obaveznog zdravstvenog osiguranja („Sl. novine Federacije BiH“, br. 31/02 i 20/19).

Za provođenje programa fonda solidarnosti za 2023. godinu planiraju se rashodi u ukupnim iznosu od 239.508.300 KM i to:

- zdravstvene usluge u zdravstvenim ustanovama u FBiH 82.135.000 KM,
- lijekove i potrošni medicinski materijal 128.423.300 KM
- bolničko liječenje povratnika iz Federacije BiH u RS iznos od 2.000.000 KM,
- biomedicinski potpomognuta oplodnja 10.000.000.KM,
- prevencija i rano otkrivanje HIV pozitivnih osoba 150.000 KM,
- liječenje u inostranstvu 12.000.000 KM,
- preventivni programi 300.000 KM,
- sufinansiranje troškova pruženih zdravstvenih usluga, nabavke lijekova i medicinskih sredstava u skladu sa Pravilnikom o načinu ostvarivanja prava iz obaveznog zdravstvenog osiguranja 500.000 KM,
- ostali rashodi federalnog fonda solidarnosti iznos od 304.000 KM i
- tekuća rezerva 4.000.000 KM.

Pregled planiranih rashoda fonda solidarnosti u 2022. godini, ostvarenih u periodu I-IX 2022. godine, te planiranih u 2023. godini prikazan je u Tabeli 2 koja slijedi.

Tabela 2

R. br.	RASHODI	Plan 2022.	Izvršenje I-IX 2022.	Plan 2023.	Ind (5/3)
1	2	3	4	5	6
1	ZDRAVSTVENE USLUGE	69.520.000	51.813.107	82.135.000	118
1.1.	Hronična, akutna hemodijaliza i peritonealna dijaliza	7.200.000	4.500.774	7.200.000	100
1.2.	Prijevoz na hemodijalizu	2.800.000	1.184.583	3.000.000	107
1.3.	Radioterapija kod malignih oboljenja	7.500.000	5.417.104	8.000.000	107
1.4.	Dijagnostičke pretrage za dijagnosticiranje hepatitisa B i C	100.000	62.130	100.000	100
1.5.	Ugradnja kohlearnog implantata kod djece	200.000	292.808	300.000	150
1.6.	Humana reprodukcija	20.000	9.000		0
1.7.	Usluge dobrovoljnog, anonimnog i besplatnog savjetovanja i testiranja na HIV/AIDS	100.000	76.709	100.000	100
1.8.	Program novorođenačkog skrininga na kongenitalni hipotireoidizam, fenilketonuriju i adrenalnu hiperplasiu	250.000	149.306	250.000	100
1.9.	Kardiologija i kardiohirurgija u FBiH	39.000.000	30.386.572	47.015.000	121
1.10.	Neurohirurgija u FBiH	4.000.000	3.467.359	5.200.000	130
1.11.	Ortopedija i traumatologija	500.000	424.435	1.000.000	200
1.12.	Torakohirurgija	400.000	541.976	750.000	188
1.13.	Transplantacija (priprema za transplantaciju sa transplantacijom jetre, bubrega, koštane srži, rožnice)	2.500.000	1.641.170	3.700.000	148
1.14.	Nuklearna medicina - visokodozna terapija karcinoma štitnjače radioaktivnim jodom J-132	250.000	185.696	250.000	100
1.15.	Usluge PET/CT za djecu do navršenih 18 godina starosti	10.000	13.125	20.000	200
1.16.	Vaskularna hirurgija	4.500.000	3.292.753	5.000.000	111
1.17.	Najsloženiji oblici zdravstvene zaštite iz oblasti urologije (implantacija vještačkog sfinktera uretre i cistektomija sa supraviezikalnom derivacijom)	140.000	130.500	200.000	143
1.18.	Terapija hiperbaričnom komorom	50.000	37.107	50.000	100
2.	LIJEKOVI I POTROŠNI MEDICINSKI MATERIJAL	117.830.000	98.256.817	128.423.300	109
2.1.	Citostatici	65.450.000	59.411.472	74.803.300	114

2.2.	Lijekovi za dijalizu	6.200.000	4.050.648	6.000.000	97
2.3.	Potrošni materijal hronične, akutne i peritonealne dijalize	17.500.000	12.528.571	17.000.000	97
2.4.	Lijekovi za liječenje oboljelih od hemofilije	7.850.000	5.588.471	7.850.000	100
2.5.	Humani imunoglobulin	800.000	510.088	800.000	100
2.6.	Lijekovi za liječenje oboljelih od hepatitisa B i C	3.500.000	2.684.077	3.500.000	100
2.7.	Lijekovi za liječenje Multiple skleroze	7.300.000	6.074.491	8.000.000	110
2.8.	Lijekovi za liječenje upalnih bolesti debelog crijeva (Chronove bolesti i ulceroznog kolitisa)	3.500.000	3.381.632	4.500.000	129
2.9.	Lijekovi za liječenje plućne hipertenzije	250.000	115.526	200.000	80
2.10.	Lijekovi za liječenje tuberkuloze	80.000	67.264	120.000	150
2.11.	Antiretrovirusni lijekovi za liječenje oboljelih od HIV/AIDS	1.250.000	1.256.112	1.500.000	120
2.12.	Program profilakse respiratornog sincicijalnog virusa (RSV) ugroženih grupa djece palivizumabom u F BiH	1.350.000	625.412	1.350.000	100
2.13.	Nabavka traka i aparata za kontrolu dijabetesa	800.000	478.917	800.000	100
2.14.	Imunosupresivni lijekovi nakon transplantacije organa	2.000.000	1.484.136	2.000.000	100
3.	RASHODI NA TERET NAMJENSKIH TRANSFERA IZ BUDŽETA FBiH	2.000.000	1.771.740	12.150.000	608
3.1.	Bolničko liječenje povratnika iz FBiH u općine u RS	2.000.000	1.771.740	2.000.000	100
3.2.	Biomedicinski potpomognuta oplodnja			10.000.000	
3.3.	Prevenција i rano otkrivanje HIV pozitivnih osoba (nabavka lijekova PREP i PEP)			150.000	
4.	LIJEČENJE U INOSTRANSTVU	12.000.000	10.524.676	12.000.000	100
5.	PREVENTIVNI PROGRAMI	300.000	0	300.000	100
6.	OSTALI RASHODI U FUNKCIJI PROVOĐENJA PROGRAMA SOLIDARNOSTI	395.000	236.809	304.000	77
7.	SUFINANSIRANJE TROŠKOVA LIJEČENJA U SKLADU SA PRAVILNIKOM O NAČINU OSTVARIVANJA PRAVA IZ OBAVEZNOG ZDRAVSTVENOG OSIGURANJA	500.000	158.287	500.000	100
8.	RASHODI ZA IZVRŠENJE PROGRAMA FEDERALNE SOLIDARNOSTI (1+2+3+4+5+6+7+8)	202.150.000	162.524.627	235.508.300	117
9.	TEKUĆA REZERVA	3.000.000		4.000.000	133
10.	UKUPNO RASHODI I TEKUĆA REZERVA (8+9)	205.150.000	162.524.627	239.508.300	117

2. ZDRAVSTVENE USLUGE

Sredstvima federalnog fonda solidarnosti u 2023. godini će se finansirati pružanje zdravstvenih usluga u skladu sa Odlukom o utvrđivanju prioriternih vertikalnih programa zdravstvene zaštite od interesa za Federaciju BiH i prioriternih najsloženijih oblika zdravstvene zaštite iz određenih specijalističkih djelatnosti koji će se pružati osiguranim licima na teritoriji Federacije BiH.

Pružanje zdravstvenih usluga ugovoriće se sa zdravstvenim ustanovama u Federaciji BiH koje su verifikirane od strane Federalnog ministarstva zdravstva.

Planom obima usluga za 2023. godinu utvrdit će se sadržaj i obim usluga koji će se ugovoriti sa svakom zdravstvenom ustanovom.

Zdravstvene usluge će se plaćati po cijenama utvrđenim Cjenovnikom zdravstvenih usluga koje se finansiraju sredstvima federalnog fonda solidarnosti. Za zdravstvene usluge za koje se koriste implantati, pored cijene posebno će se priznavati i plaćati troškovi implantata na način i u iznosima koji su utvrđeni Cjenovnikom zdravstvenih usluga u skladu sa odlukama Upravnog odbora Federalnog zavoda osiguranja i reosiguranja.

Finansijskim planom za 2023. godinu za finansiranje zdravstvenih usluga u zdravstvenim ustanovama u Federaciji BiH su planirana sredstva u iznosu od 82.135.000 KM.

Sredstva su raspoređena kako slijedi.

2.1. Usluge hronične i akutne hemodijalize

Planirani rashodi za pružanje usluga hronične i akutne hemodijalize u 2023. godini pacijentima sa terminalnim stadijem bubrežne insuficijencije se planiraju u ukupnom iznosu od 7.200.000 KM. Ovi rashodi uključuju:

- Troškove rada medicinskog tima, saglasno standardima i normativima zdravstvene zaštite;
- Troškove toplog obroka za pacijente tokom tretmana hronične hemodijalize, prema utvrđenoj jediničnoj cijeni za obrok/pacijent.

2.2. Prijevoz na hemodijalizu

Za prijevoz pacijenata na hemodijalizu sredstvima federalnog fonda solidarnosti u 2023. godini će se sufinansirati troškovi po cijenama utvrđenim Cjenovnikom zdravstvenih usluga koje se finansiraju sredstvima federalnog fonda solidarnosti, a koje su utvrđene prema broju pređenih kilometara.

Ukupni rashodi za prijevoz pacijenata na dijalizu u 2023. godini se planiraju u iznosu od 3.000.000 KM.

Prijevoz pacijenata na dijalizu vršit će domovi zdravlja i druge zdravstvene ustanove ovlaštene za obavljanje usluga prijevoza pacijenata na dijalizu sa kojima će se zaključiti ugovori.

2.3. Usluge radioterapije kod malignih oboljenja

Planirani rashodi za pružanje usluga radioterapije u 2023. godinu su 8.000.000 KM.

Usluge radioterapije će se plaćati po cijenama utvrđenim po lokalizacijama (organima) zračenja. Cijene usluga radioterapije su utvrđene na osnovu prosječnih troškova koji uključuju troškove pripreme za zračenje, terapiju zračenjem i kontrole tokom zračenja.

Pored ovih troškova, za pacijente kojima se usluge radioterapije pružaju hospitalno, finansirati će se i troškovi ležanja u bolnici po cijeni BO dana iz Tarife zdravstvenih usluga utvrđenoj za hroničnu hospitalizaciju na odjelu onkologije i to u prosjeku od 30 dana ležanja.

Usluge radioterapije u 2023. godini će se pružati svim oboljelim od malignih oboljenja za koja se indicira terapija zračenjem. Radioterapijski tretman se provodi hospitalno ili ambulantno u ovisnosti od stanja bolesnika i blizine mjesta boravka bolesnika. Hospitalni tretman se određuje bolesnicima iz udaljenih područja u Federaciji BiH i bolesnicima sa poodmaklim stadijem maligniteta.

Broj usluga radioterapije po vrsti malignih oboljenja i po zdravstvenim ustanovama, kao i broj BO dana će biti utvrđen Planom obima usluga za 2023. godinu.

2.4. Usluge dijagnostičkih pretraga na hepatitisu C i težih oblika hepatitisa B

U 2023. godini planiraju se sredstva za finansiranje dijagnostičkih pretraga na Hepatitis C i teških oblika Hepatitisa B u ukupnom iznosu od 100.000 KM, i to

- dijagnostičke pretrage na hepatitis C (biopsija jetre sa histološkom interpretacijom, HCV RNA kvantitativni i kvalitativni i genotipizacija);
- dijagnostičke pretrage na hepatitis B (biopsija jetre sa histološkom interpretacijom i HVB DNA kvantitativni).

2.5. Usluge ugradnje kohlearnog implantata kod djece

Za ugradnju kohlearnog implantata (vještačke pužnice) kod djece u 2023. godini planiraju se rashodi u iznosu od 300.000 KM.

Sredstvima federalnog fonda solidarnosti vršiće se sufinansiranje ugradnje kohlearnog implantata, odnosno zamjene procesora na kohlearnom implantatu i to u visini od 50% cijene kohlearnog implantata odnosno procesora.

Troškovi ugradnje kohlearnog implantata uključuju troškove nabavke implantata, te troškove usluge ugradnje u zdravstvenoj ustanovi. Razliku od preostalih 50% troškova finansiraju kantonalni zavodi zdravstvenog osiguranja.

2.6. Usluge dobrovoljnog i anonimnog savjetovanja i testiranja na HIV/AIDS

Ovaj program uključuje finansiranje dobrovoljnog, anonimnog i besplatnog testiranja i savjetovanja za sva lica iz grupe rizičnih slučajeva koji su definisani dokumentom "BH konsenzus o dijagnostičko-terapeutskim smjernicama za HIV/AIDS", koja se prijave dobrovoljno za uključivanje u postupak testiranja i savjetovanja.

Za finansiranje usluga dobrovoljnog i anonimnog savjetovanja i testiranja na HIV/AIDS u 2023. godini planirana su sredstva u iznosu od 100.000 KM.

Planiranim sredstvima finansirat će se:

- testiranje na HIV (prvi test- Elisa, Combo), prema utvrđenim cijenama po jednom testu;
- savjetovanje prije i nakon testiranja, prema utvrđenim cijenama po pacijentu;
- dijagnosticiranje za sve slučajeve kojima je nakon prvog testiranja, nalaz testa na HIV pozitivan, po cijenama utvrđenim pojedinačno za dijagnostičke postupke: Western -Blot, PCR- kvantitativni, PCR kvalitativni i genotipizacija;

- testiranje na hepatitis C licima koja su u programu dobrovoljnog, anonimnog i besplatnog savjetovanja i testiranja na HIV/AIDS, prema utvrđenim cijenama po jednoj usluzi.

Sredstvima federalnog fonda solidarnosti neće se finansirati ostali bolnički troškovi liječenja oboljelih od HIV/AIDS-a.

2.7. Usluge novorođenačkog skrininga na kongenitalni hipotireoidizam, fenilketonuriju i adrenalnu hiperplaziju

Program novorođenačkog skrininga na kongenitalni hipotireoidizam, fenilketonuriju i adrenalnu hiperplaziju odnosi se na svu novorođenu djecu u Federaciji BiH u 2023. godini.

U okviru ovog programa sredstvima federalnog fonda solidarnosti finansiraće se pružanje slijedećih usluga:

- skrining na kongenitalni hipotireoidizam;
- skrining na fenilketonuriju;
- skrining na adrenalnu hiperplaziju;
- dijagnosticiranje i liječenje svih otkrivenih slučajeva hipotireoze i fenilketonurije tokom testiranja.

Usluge testiranja na hipotireoidizam, fenilketonuriju i adrenalnu hiperplaziju plaćaće se po cijenama utvrđenim po jednom testu, a usluge dijagnosticiranja i liječenje otkrivenih slučajeva sa hipotireozom i fenilketonurijom po jediničnim cijenama utvrđenim za svaku pojedinačnu dijagnostičku uslugu, BO dane tokom ležanja u bolnici, kao i troškovi specijalne ishrane djece oboljele od fenilketonurije, s tim da je utvrđen maksimalni iznos troškova dijagnosticiranja i liječenja djece od hipotireoze i fenilketonurije po jednom slučaju/djetetu godišnje koji se finansira sredstvima federalnog fonda solidarnosti.

Za finansiranje ovog programa u 2023. godini planirana su sredstva u iznosu 250.000 KM.

2.8. Usluge iz oblasti kardiologije i kardiohirurgije

Za finansiranje usluga iz oblasti kardiologije i kardiohirurgije koje se pružaju u zdravstvenim ustanovama u Federaciji BiH, za 2023. godinu, planiraju se sredstva u ukupnom iznosu od 47.015.000 KM.

Za usluge invazivne i interventne kardiologije, pored utvrđene cijene za uslugu, posebno će se priznavati troškovi za ugrađene implantate – stentove u skladu sa važećim cjenovnikom implantata odobrenim od strane Upravnog odbora Zavoda. Trošak za ugrađene stentove će se priznati uz dokaz da je izvršena nabavka i ugradnja stenta, a koji se dostavlja uz fakturu o izvršenoj usluzi.

Ukupan obim zdravstvenih usluga iz programa kardiologije i kardiohirurgije i pojedinačno za svaku zdravstvenu ustanovu će biti utvrđen Planom obima usluga za 2023. godinu.

Ukoliko se broj indiciranih slučajeva za usluge iz ovog programa poveća u odnosu na planirani obim usluga i sredstva utvrđena Finansijskim planom, zdravstvene ustanove koje će učestvovati u provođenju ovog programa obavezne su formirati liste čekanja i usluge pružati prema redoslijedu prioriteta i stepenu hitnosti.

Stručna služba Federalnog zavoda osiguranja i reosiguranja će u 2023. godini redovno pratiti izvršenje planiranog sadržaja i obima usluga, evidencije pacijenata na Listi čekanja, redoslijed prioriteta u pružanju usluga pacijentima sa Liste čekanja, pružanje usluga u hitnim slučajevima, te izvršenje programa usmjeravati u okviru planiranog obima usluga, odnosno planiranih rashoda za izvršenje ovog programa.

2.9. Usluge iz oblasti neurohirurgije

Rashodi za pružanje usluga iz oblasti neurohirurgije u zdravstvenim ustanovama u Federaciji BiH tokom 2023. godine, planiraju se u iznosu od 5.200.000 KM.

Operativni neurohirurški zahvati u zdravstvenim ustanovama plaćaću se po cijenama prema važećem Cjenovniku zdravstvenih usluga koje se finansiraju sredstvima federalnog fonda solidarnosti.

Za sve operativne zahvate kod kojih se vrši ugradnja implantata, na utvrđenu cijenu posebno će se priznavati i plaćati troškovi ugrađenih implantata, u skladu sa Cjenovnikom zdravstvenih usluga koje se finansiraju sredstvima federalnog fonda solidarnosti, a kojim je utvrđen maksimalan iznos troška koji se priznaje za implantate.

Ukupan obim zdravstvenih usluga iz programa neurohirurgije, kao pojedinačno za svaku zdravstvenu ustanovu u Federaciji BiH za 2023. godinu, će biti utvrđen Planom obima usluga za 2023. godinu.

Ukoliko se broj indiciranih slučajeva za operativne zahvate iz oblasti neurohirurgije u toku 2023. godine poveća u odnosu na planirani obim i sredstva utvrđena Finansijskim planom, zdravstvene ustanove koje će učestvovati u provođenju ovog programa obavezne su formirati liste čekanja i usluge pružati prema redoslijedu prioriteta i stepenu hitnosti.

2.10. Usluge iz oblasti ortopedije i traumatologije

Za usluge iz oblasti ortopedije i traumatologije u 2023. godini, planiraju se sredstva u iznosu od 1.000.000 KM.

Planiranim sredstvima finansiraće se operativni zahvati deformiteta kičme kod djece, multipli prelomi kičme i multipli prelomi karlice, po cijenama prema važećem Cjenovniku zdravstvenih usluga koje se finansiraju sredstvima federalnog fonda solidarnosti.

Za operativne zahvate deformiteta kičme kod djece posebno će se priznavati i plaćati troškovi ugrađenih implantata u skladu sa Cjenovnikom zdravstvenih usluga koje se finansiraju sredstvima federalnog fonda solidarnosti, a kojim je utvrđen maksimalan iznos troška koji se priznaje za implantate.

Ukupan obim zdravstvenih usluga iz ortopedije i traumatologije, kao i pojedinačno za svaku zdravstvenu ustanovu u Federaciji BiH za 2023. godinu, će biti utvrđen Planom obima usluga za 2023. godinu.

Ukoliko se broj indiciranih slučajeva za operativne zahvate ortopedije i traumatologije u toku 2023. godine poveća u odnosu na planirani obim i sredstva utvrđena Finansijskim planom, zdravstvene ustanove koje će učestvovati u provođenju ovog programa obavezne su formirati liste čekanja i usluge pružati prema redoslijedu prioriteta i stepenu hitnosti.

2.11. Usluge iz oblasti torakohirurgije

Za usluge torakohirurgije u 2023. godini planiraju se sredstva u iznosu od 750.000 KM. U okviru ovog programa planiranim sredstvima u 2023. godini finansirati će se usluge operativnih zahvata karcinoma bronha i karcinoma jednjaka, po cijenama prema važećem Cjenovniku zdravstvenih usluga koje se finansiraju sredstvima federalnog fonda solidarnosti.

Ukupan obim zdravstvenih usluga iz torakohirurgije, kao i pojedinačno za svaku zdravstvenu ustanovu u Federaciji BiH za 2023. godinu, će biti utvrđen Planom obima usluga za 2023. godinu.

2.12. Usluge iz oblasti transplantologije

Za zdravstvene usluge iz oblasti transplantologije u 2023. godini planiraju se rashodi u ukupnom iznosu od 3.700.000 KM.

U okviru programa transplantologije, sredstvima federalnog fonda solidarnosti u 2023.godini finansirat će se slijedeće usluge:

- dijagnostičke i laboratorijske pretrage za uvrštavanje na listu čekanja za transplantaciju bubrega, dijagnostičke i laboratorijske pretrage u svrhu održavanja na Listi čekanja i pretrage u slučaju kliničkih indikacija, za dijalizirane bolesnike kod kojih postoji indikacija za transplantaciju bubrega (sa živog davaoca ili kadavera);
- priprema za transplantaciju bubrega sa živog davaoca i transplantacija bubrega sa živog davaoca;
- transplantacija jetre sa živog davaoca;
- transplantacija organa sa kadavera;
- utvrđivanje moždane smrti;
- održavanje kadaveričnog donora;
- eksplantacija organa;
- transplantacija bubrega sa kadavera;
- transplantacija jetre sa kadavera;
- transplantacija rožnjače sa kadavera;
- tipizacija tkiva za transplantaciju matičnih ćelija, kriokonzervacija matičnih ćelija i transplantacija matičnih ćelija hematopoeze (autologna transplantacija);
- alogena transplantacija koštane srži;
- usluge transplantacijskog koordinatora.

Usluge transplantologije finansiraće se po cijenama utvrđenim Cjenovnikom zdravstvenih usluga koje se finansiraju sredstvima federalnog fonda solidarnosti, a usluge dijagnostičkih i laboratorijskih pretraga za dijalizirane bolesnike koji se upućuju na Listu čekanja za transplantaciju bubrega po jediničnim cijenama utvrđenim Tarifom zdravstvenih usluga u Federaciji BiH.

Broj usluga koji će se finansirati u 2023. godini će se utvrditi Planom obima usluga, u skladu sa planiranim sredstvima za ovaj program u 2023. godini, a pružanje usluga će se ugovoriti sa ovlaštenim zdravstvenim ustanovama, saglasno izdatim rješenjima od strane Federalnog ministarstva zdravstva.

Za određene usluge iz programa transplantologije koje se ne mogu sa uspjehom liječiti u zdravstvenim ustanovama u Federaciji BiH, pacijenti će se upućivati na liječenje u

zdravstvene ustanove u inostranstvo, a u skladu sa Pravilnikom o uslovima i postupku upućivanja osiguranih lica na liječenje u inostranstvo.

2.13. Usluge iz oblasti nuklearne medicine

Iz oblasti nuklearne medicine sredstvima federalnog fonda solidarnosti finansiraće se usluge visokodozne terapije radioaktivnim jodom J-131.

Sredstva za pružanje ovih usluga u 2023. godini planiraju se sredstva u iznosu od 250.000 KM.

2.14. Usluge PET/CT

Sredstvima federalnog fonda solidarnosti za 2023. godinu će se finansirati usluge PET/CT pretraga za djecu do 18 godina. Usluge će se plaćati po utvrđenim jediničnim cijenama, a za 2023. godinu planirana su sredstva u ukupnom iznosu od 20.000 KM.

2.15. Usluge iz oblasti vaskularne hirurgije i invazivno-interventnih procedura na krvnim sudovima

U 2023. godini finansirati će se najsloženiji operativni zahvati iz oblasti vaskularne hirurgije (operacije krvnih sudova glave i vrata, operacije aneurizme abdominalne aorte) i invazivno-interventnih dijagnostičko-terapijskih procedura na krvnim sudovima (procedure na cerebralnim krvnim sudovima, karotidama, te stentiranje i koilovanje aneurizmi).

Usluge iz oblasti vaskularne hirurgije i invazivno-interventnih dijagnostičko-terapijskih procedura na krvnim sudovima finansiraće se po cijenama prema važećem Cjenovniku zdravstvenih usluga koje se finansiraju sredstvima federalnog fonda solidarnosti.

Za sve zdravstvene usluge iz ovog programa, kod kojih se vrši ugradnja implantata, na utvrđenu cijenu posebno će se priznavati i plaćati troškovi ugrađenih implantata, u skladu sa Cjenovnikom zdravstvenih usluga koje se finansiraju sredstvima federalnog fonda solidarnosti.

Za usluge iz ovog programa u 2023. godini planiraju se rashodi u ukupnom iznosu od 5.000.000 KM.

Ukupan obim zdravstvenih usluga iz oblasti vaskularne hirurgije, kao i invazivno interventnih dijagnostičko-terapijskih procedura pojedinačno za svaku zdravstvenu ustanovu u Federaciji BiH za 2023. godinu, će biti utvrđen Planom obima usluga za 2023. godinu.

2.16. Usluge iz oblasti urologije

U 2023. godini finansiraće se pružanje najsloženijih usluga iz oblasti urologije i to: implantacija vještačkog sfinktera uretre, AMS-800 i cistektomija sa supravezikalnom derivacijom (Bricker, Mainz-Pouch, Hautman).

Usluge iz oblasti urologije plaćati će se po cijenama prema važećem Cjenovniku zdravstvenih usluga koje se finansiraju sredstvima federalnog fonda solidarnosti. Za uslugu implantacije vještačkog sfinktera uretre, pored cijene usluge posebno će se priznavati i plaćati troškovi implantata po stvarnim cijenama po kojima ih zdravstvena ustanova nabavlja, uz dokaz da je implantat nabavljen i ugrađen pacijentu.

Za navedene usluge u 2023. godini planiraju se rashodi u iznosu od 200.000 KM.

2.17. Terapija hiperbaričnom komorom

U 2023. godini finansiraće se pružanje usluga terapije u hiperbaričnoj komori za oboljenja: komplikacija malignih oboljenja nakon radijacione terapije, multiple skleroze, te stanja nakon transplantata kože i reimplantata dijelova ekstremiteta.

Za usluge terapije hiperbaričnom komorom u 2023. godini planiraju se sredstva u iznosu od 50.000 KM.

3. LIJEKOVI I POTROŠNI MEDICINSKI MATERIJAL

U 2023. godini sredstvima federalnog fonda solidarnosti će se finansirati nabavka lijekova utvrđenih Odlukom o Listi lijekova fonda solidarnosti Federacije BiH („Sl. novine Federacije BiH“ br.47/19 i 90/19), (u daljem tekstu Lista lijekova fonda solidarnosti) kao i medicinskih sredstava, potrošnog materijala za dijalizirane bolesnike, te aparata, pumpica i trakica za mjerenje šećera u krvi kod djece sa dijabetesom- inzuloovisnicima.

Nabavku svih lijekova će vršiti Federalni zavod osiguranja i reosiguranja na osnovu Plana javnih nabavki koje se finansiraju sredstvima federalnog fonda solidarnosti za 2023. godinu, a u skladu sa Zakonom o javnim nabavkama BiH.

Finansijskim planom za 2023. godinu ukupno planirana sredstva za finansiranje nabavke lijekova i potrošnog medicinskog materijala su 128.423.300 KM.

Sredstva su raspoređena kako slijedi.

3.1. Citostatici

Finansijskim planom za 2023. godinu planirana su sredstva za nabavku citostatika u iznosu od 74.803.300 KM. Planirana sredstva za ovu grupu lijekova nisu dostatna za postojeći nivo pacijenata. Procjena je da bi se bi se održao broj liječenih pacijenata iz 2022. godine neophodno obezbijediti dodatnih sredstava u iznosu od cca 8 mil. KM. Ukoliko se ne obezbijede dodatna sredstva povećanje broja pacijenata na listama čekanja će biti neminovno.

Nabavku citostatika će izvršiti Federalni zavod osiguranja i reosiguranja prema Planu javnih nabavki koje se finansiraju sredstvima federalnog fonda solidarnosti za 2023. godinu, a u skladu sa Zakonom o javnim nabavkama BiH.

Upotrebu citostatika sa posebnim režimom propisivanja odobrava ovlaštena Komisija Federalnog zavoda osiguranja i reosiguranja prema medicinskim indikacijama saglasno Uputstvu o načinu propisivanja, odnosno odobravanja primjene lijekova.

Pacijentima kojima se indicira terapija citostaticima sa posebnim režimom propisivanja omogućit će se terapije neposredno po izdavanju saglasnosti od strane nadležne komisije, a u slučajevima da broj pacijenata sa indikacijom za korištenje ovih lijekova premašuje planirane i ugovorene količine lijekova odnosno visinu raspoloživih sredstava, pacijenti će se uputiti na Listu čekanja u skladu sa Uputstvom o uspostavi liste čekanja za lijekove sa Liste lijekova fonda solidarnosti Federacije BiH.

3.2. Lijekovi za dijalizu

U 2023. godini planiraju se sredstva za nabavku lijekova koji se koriste u terapiji tokom dijaliznog tretmana, u ukupnom iznosu od 6.000.000 KM. Nabavka lijekova u tretmanu dijalize vršit će se za one lijekove koje se nalaze na Listi lijekova fonda solidarnosti Federacije BiH.

3.3. Potrošni materijal za dijalizu

Finansijskim planom fonda solidarnosti za 2023. godinu za nabavku potrošnog dijaliznog materijala planirana su sredstva u iznosu od 17.000.000 KM. Nabavka potrošnog materijala izvršit će se za pacijente kojima se pružaju usluge hronične i akutne hemodijalize u zdravstvenim ustanovama-dijaliznim centrima, kao i za pacijente koji su na programu peritonealne dijalize.

Potrebne količine potrošnog materijala i lijekova se utvrđuju prema procjeni broja pacijenata na hroničnom i akutnom dijaliznom tretmanu i broja pacijenata na peritonealnoj dijalizi na osnovu utvrđenih normativa utrošaka po jednoj dijalizi, a u skladu sa odredbama Pravilniku o uvjetima u pogledu prostora, kadra i medicinsko-tehničke opreme za osnivanje i organizaciju rada zdravstvenih ustanova koje obavljaju djelatnost dijalize ("Sl. novine Federacije BiH", br. 89/11, 101/14 i 1/18).

3.4. Lijekovi za liječenje oboljelih od hemofilije

Za nabavku lijekova za liječenje oboljelih od hemofilije u 2023. godini planiraju se sredstva u iznosu od 7.850.000 KM. Nabavku lijekova za hemofiliju (faktora koagulacije) izvršiće Federalni zavod osiguranja i reosiguranja.

3.5. Humani imunoglobulini

Za nabavku humanog imunoglobulina u 2023. godini planirana su sredstva u iznosu od 800.000 KM. Nabavku lijekova izvršiće Federalni zavod osiguranja i reosiguranja prema Planu javni nabavki koje se finansiraju sredstvima federalnog fonda solidarnosti za 2023. godinu, a u skladu sa Zakonom o javnim nabavkama.

3.6. Lijekovi za liječenje oboljelih od Hepatitisa C i B

Planirana sredstva za nabavku lijekova za liječenje oboljelih od Hepatitisa C i teških oblika Hepatitisa B u 2023. godini su 3.500.000 KM.

Za liječenje oboljelih od Hepatitisa C i težih oblika Hepatitisa B sredstvima federalnog fonda solidarnosti u 2023. godini finansiraće se nabavka lijekova utvrđenih Listom lijekova Fonda solidarnosti Federacije BiH.

Nabavku lijekova izvršiće Federalni zavod osiguranja i reosiguranja prema Planu javnih nabavki koje se finansiraju sredstvima federalnog fonda solidarnosti za 2023. godinu, a u skladu sa Zakonom o javnim nabavkama.

3.7. Lijekovi za liječenje multiple skleroze

U 2023. godini planiraju se sredstva za nabavku lijekova za liječenje oboljelih od multiple skleroze u iznosu od 8.000.000 KM.

Nabavku lijekova izvršiće Federalni zavod osiguranja i reosiguranja prema Planu javnih nabavki koje se finansiraju sredstvima federalnog fonda solidarnosti za 2023. godinu, a u skladu sa Zakonom o javnim nabavkama.

U slučajevima da broj pacijenata sa indikacijom za korištenje ovih lijekova premašuje planirane i ugovorene količine lijekove, odnosno visinu raspoloživih sredstava, pacijenti će se uputiti na Listu čekanja u skladu sa Uputstvom o uspostavi liste čekanja za lijekove sa Liste lijekova fonda solidarnosti Federacije BiH.

3.8. Lijekovi za liječenje upalnih bolesti debelog crijeva (Chronove bolesti i ulceroznog kolitisa)

Planirana sredstva za nabavka lijekova u svrhu liječenja oboljelih od Chronove bolesti i ulceroznog kolitisa u 2023. godini su 4.500.000 KM.

Nabavku lijekova će izvršiti Federalni zavod osiguranja i reosiguranja, saglasno važećoj Listi lijekova fonda solidarnosti Federacije BiH i Planu javnih nabavki koje se finansiraju sredstvima federalnog fonda solidarnosti za 2023. godinu, a po postupku propisanom Zakonom o javnim nabavkama Bosne i Hercegovine.

U slučajevima da broj pacijenata sa indikacijom za korištenje ovih lijekova premašuje planirane i ugovorene količine lijekove, odnosno visinu raspoloživih sredstava, pacijenti će se uputiti na Listu čekanja u skladu sa Uputstvom o uspostavi liste čekanja za lijekove sa Liste lijekova fonda solidarnosti Federacije BiH.

3.9. Lijekovi za liječenje plućne hipertenzije kod djece

U skladu sa posljednjom Odlukom o Listi lijekova Fonda solidarnosti Federacije BiH na Listi lijekova u bolničkoj zdravstvenoj zaštiti koji se mogu koristiti na teret fonda solidarnosti uvršteni su lijekovi za liječenje plućne hipertenzije.

U 2023. godini planirana su sredstva za nabavku lijekova za liječenje plućne hipertenzije kod djece u iznosu od 200.000 KM.

3.10. Lijekovi za liječenje tuberkuloze

U skladu sa Odlukom o Listi lijekova Fonda solidarnosti Federacije BiH u 2023. godini sredstvima federalnog fonda solidarnosti će se finansirati nabavka lijekova za liječenje plućne tuberkuloze. Planirana sredstva za ove lijekove iznose 120.000 KM.

3.11. Antiretrovirusni lijekovi

Za liječenje svih registriranih osoba oboljelih od HIV/AIDS-a, sredstvima federalnog fonda solidarnosti u 2023. godini finansiraće se nabavka antiretrovirusnih lijekova sa Liste lijekova fonda solidarnosti Federacije BiH, a nabavku lijekova će vršiti Zavod zdravstvenog osiguranja i reosiguranja Federacije BiH.

Za ovu grupu lijekova planirana su sredstva u ukupnom iznosu od 1.500.000 KM.

3.12. Lijekovi za profilaksu respiratornog sincijalnog virusa (RSV)

U cilju zaštite prijevremeno rođene djece od respiratornog sincijalnog virusa u ciljanoj ugroženoj skupini djece mlađe od 24 mjeseca života sredstvima federalnog fonda solidarnosti će se finansirati nabavka lijeka palivizumab.

Nabavku lijeka izvršiće Federalni zavod osiguranja i reosiguranja prema Planu javnih nabavki koje se finansiraju sredstvima federalnog fonda solidarnosti za 2023. godinu, a po postupku propisanom Zakonom o javnim nabavkama Bosne i Hercegovine.

Rashodi za nabavku lijeka Palivizumab u 2023. godini planiraju se u iznosu od 1.350.000 KM.

3.13. Aparati, pumpice i trakice za kontrolu šećera u krvi

U 2023. godini sredstvima federalnog fonda solidarnosti će se finansirati nabavka aparata, pumpica i traka za mjerenje nivoa šećera u krvi za svu djecu u Federaciji BiH do 18 godina starosti, kod kojih je otkriven dijabetes i koja su inzulo-ovisnici.

Nabavku inzulinskih pumpica, aparata i trakica za kontrolu šećera u krvi će izvršiti Federalni zavod osiguranja i reosiguranja u skladu sa Zakonom o javnim nabavkama BiH.

Ukupno planirana sredstva za nabavku aparata, pumpica i trakica za kontrolu šećera za 2023. godinu su 800.000 KM.

Podjela nabavljenih aparata će se izvršiti svakom djetetu inzulo-ovisniku nakon izvršene nabavke, sa rokom trajanja od tri godine, a podjela trakica će se vršiti jednom godišnje u količini godišnjih potreba.

3.14. Imunosupresivni lijekovi

Sredstvima federalnog fonda solidarnosti u 2023. godini finansiraće se nabavka imunosupresivnih lijekova koji se koriste nakon izvršene transplantacije organa utvrđenih Listom lijekova fonda solidarnosti Federacije BiH.

Nabavku imunosupresivnih lijekova izvršiće Federalni zavod osiguranja i reosiguranja prema Planu javnih nabavki koje se finansiraju sredstvima federalnog fonda solidarnosti za 2023. godinu, a u skladu sa Zakonom o javnim nabavkama Bosne i Hercegovine.

Sredstva za nabavku imunosupresivnih lijekova za 2023. godinu se planiraju u iznosu od 2.000.000 KM.

4. RASHODI NA TERET NAMJENSKIH TRANSFERA IZ BUDŽETA FBIH

4.1. Bolničko liječenje povratnika iz FBiH u općine u RS

Bolničko liječenje povratnika iz Federacije BiH u općine u R Srpskoj u zdravstvenim ustanovama u Federaciji BiH planira se sredstvima namjenskog transfera iz Budžeta Federacije BiH.

Za 2023. godinu se, za ovaj program, planiraju sredstva namjenskog transfera iz Budžeta Federacije BiH u iznosu od 2.000.000 KM, a kako je planirano Budžetskim zahtjevom za 2023. godinu.

Zdravstvene usluge će se plaćati zdravstvenim ustanovama u kojima se pacijenti-povratnici budu liječili saglasno Cjenovniku zdravstvenih usluga koje se finansiraju sredstvima federalnog fonda solidarnosti i Tarifi zdravstvenih usluga Federacije BiH. Upućivanje pacijenata na liječenje će se provoditi saglasno Uputstvu o načinu ostvarivanja bolničke zdravstvene zaštite u zdravstvenim ustanovama u Federaciji BiH povratnika iz Federacije BiH u općine R Srpske.

4.2. Biomedicinski potpomognuta oplodnja

Zakonom o izmjenama i dopunama zakona o liječenju neplodnosti biomedicinski potpomognute oplodnje (Sl. Novine Federacije BiH, br. 44/22) propisano je da se

biomedicinski potpomognuta oplodnja finansira iz sredstava Budžeta FBiH putem Transfera Vlade Federacije BiH za finansiranje biomedicinski potpomognute oplodnje koji će se doznačiti Zavodu zdravstvenog osiguranja i reosiguranja. U skladu sa navedenim u 2023. godini planirana su sredstva u znosu od 10.000.000 KM.

4.3. Prevencija i rano otkrivanje HIV pozitivnih

U 2023. godini iz namjenskog transfera Budžeta FBiH planirana su sredstva u iznosu od 150.000 KM čija je namjena prevencija i rano otkrivanje HIV pozitivnih. Projekat će se realizovati kroz nabavku lijekova (PREP i PEP).

5. LIJEČENJE U INOSTRANSTVU

Planirana sredstva za liječenje u zdravstvenim ustanovama u inostranstvu u 2023. godini su 12.000.000 KM.

Sredstvima federalnog fonda solidarnosti u 2023. godini finansiraće se troškovi liječenja u zdravstvenim ustanovama u inostranstvu pacijentima sa oboljenjima i stanjima, odnosno povredama, koja se ne mogu uspješno liječiti u zdravstvenim ustanovama u Federaciji BiH, a koja su definirana Pravilnikom o uslovima i postupku upućivanja osiguranih lica na liječenje u inostranstvo.

Upućivanje pacijenata na liječenje u inostranstvo će se vršiti na osnovu izdatih saglasnosti od strane nadležne komisije i to u zdravstvene ustanove u inostranstvu sa kojima Federalni zavod osiguranja i reosiguranja ima zaključene ugovore, odnosno u zdravstvene ustanove država sa kojima Bosna i Hercegovina ima zaključene međudržavne ugovore o socijalnom osiguranju koji predviđaju mogućnost upućivanja osiguranika jedne države na liječenje u drugu državu ugovornicu.

Pravilnikom o uslovima i postupku upućivanja osiguranih lica na liječenje u inostranstvo definirana su oboljenja, odnosno, stanja i povrede koje se ne mogu sa uspjehom liječiti u zdravstvenim ustanovama na teritoriji Federacije BiH i to:

- urođene srčane mane kod djece koje se mogu liječiti operativnim putem;
- oboljenja iz oblasti dječije onkologije;
- neurokirurška oboljenja djece i odraslih koja se mogu uspješno liječiti neurohirurškom operacijom gama, sajber i tubin nožem;
- embolizacija, stentiranje i koilovanje krvnih sudova;
- tumori oka kod djece i odraslih;
- ekstenzivne opekotine preko 60% površine;
- oboljenje jetre, bubrega, pankreasa, srca, rožnice kod djece i odraslih koja se mogu uspješno liječiti transplantacijom;
- oboljenja kod odraslih koja zahtjeva transplantaciju koštane srži;
- elektrofiziološka ispitivanja kompleksnih aritmija sa eventualnom radiofrekventnom ablacijom;
- ugradnja cirkulatorne pumpe;
- oboljenja kod djece izuzetno rijetkih patologija, odnosno oboljenja sa niskom incidencom (jedan na milion stanovnika), ukoliko se radi o jedinom oboljenju, odnosno ukoliko bi liječenje u inostranstvu dovelo do potpunog izlječenja
- osteosarkom kod djece koji se može liječiti operativnim putem

Pravo na liječenje u inostranstvu se može ostvariti samo pod uslovom da su ispunjeni svi propisani uslovi iz navedenog Pravilnika.

Sredstvima namjenjenim za liječenje u inostranstvu će se finansirati i pružanje zdravstvenih usluga za liječenje oboljenja sadržanih u ovom program u zdravstvenim ustanovama u Federaciji BiH u slučajevima kada se te usluge pružaju uz angažman stranih stručnjaka, saglasno članu 29. Pravilnika o uslovima i postupku upućivanja osiguranih lica na liječenje u inostranstvo.

6. PREVENTIVNI PROGRAMI

U skladu sa Odlukom o utvrđivanju Osnovnog paketa zdravstvenih prava ("Sl.novine Federacije BiH" br.21/09) i Odlukom o utvrđivanju prioriternih vertikalnih programa zdravstvene zaštite od interesa za Federaciju BiH i prioriternih najsloženijih oblika zdravstvene zaštite iz određenih specijalističkih djelatnosti koji će se pružati osiguranim licima na teritoriji Federacije BiH ("Sl.novine Federacije BiH", broj 08/05, 11/07, 44/07, 97a/07, 33/08 i 52/08) u 2023. godini planirana su sredstva u iznosu od 300.000 KM na ime preventivnih programa. Programom zdravstvene zaštite koji se finansira sredstvima fonda solidarnosti za 2023. godinu će biti utvrđeno koji preventivni program će se finansirati.

7. OSTALI RASHODI U FUNKCIJI PROVOĐENJA PROGRAMA SOLIDARNOSTI

Za ostale rashode u funkciji provođenja programa federalne solidarnosti, saglasno Odluci o kriterijima i načinu korištenja sredstava federalnog fonda solidarnosti, u 2023. godini planiraju se rashodi u ukupnom iznosu od 304.000 KM.

Ostali rashodi u funkciji provođenja programa fonda solidarnosti, a koji se odnose na troškove stručnih komisija, troškove raspisivanja tendera, troškove bankarske provizije u procentu od 60% koji terete fond solidarnosti, kao i ostali neplanirani rashodi.

8. SUFINANSIRANJE TROŠKOVA PRUŽENIH ZDRAVSTVENIH USLUGA, NABAVKE LIJEKOVA I MEDICINSKIH SREDSTAVA

Finansijskim planom federalnog fonda solidarnosti za 2023. godinu planiraju se sredstva za sufinansiranje troškova pruženih zdravstvenih usluga, nabavku lijekova i medicinskih sredstava u ukupnom iznosu od 500.000 KM, a u skladu sa Pravilnikom o dopuni Pravilnika o načinu ostvarivanja prava iz obaveznog zdravstvenog osiguranja koje je donijelo Federalno ministarstvo zdravstva („Sl.novine Federacije BiH“, br.31/02 i 20/19). Odredbama navedenog pravilnika utvrđeno je da osigurana lica mogu ostvariti pravo na sufinansiranje, od strane zavoda zdravstvenog osiguranja, pruženih zdravstvenih usluga i nabavke lijekova. Kriteriji, način i postupak odobravanja će se utvrditi posebnom Odlukom sufinansiranju pruženih zdravstvenih usluga i nabavki lijekova saglasno navedenom Pravilniku.

9. TEKUĆA REZERVA

Finansijskim planom federalnog fonda solidarnosti za 2023. godinu planirana je tekuća rezerva u iznosu od 4.000.000 KM. Ista će se formirati na teret planiranih doprinosa za obavezno zdravstveno osiguranje, a koristiće se u skladu sa Odlukom o načinu izvršavanja Finansijskog plana Zavoda za 2023. godinu.